

G R E G Y N O G



BRIFF

Ymgynghorydd Cynllun Busnes

Rhanbarth: Cymru

Math o Swydd: Contract

Ffi: £10,000 gan gynnwys yr holl dreuliau ond heb gynnwys TAW

Lleoliad: Gregynog, Powys, Cymru, SY16 3PL

Amserlen: Ebrill 2026 – Mawrth 2027

Mae Plas Gregynog yn dymuno penodi Ymgynghorydd Cynllun Busnes i ddatblygu cynllun busnes i gefnogi prosiect *Codi'r To!* a gefnogir gan Gronfa Dreftadaeth y Loteri Genedlaethol.

Dyddiad Cau ar gyfer ceisiadau: 1200 prynhawn, 2 Ebrill 2026

Dyddiad arfaethedig y cyfweiliad (ar-lein): Wythnos yn dechrau 13 Ebrill

Cynnwys

1.0 Cefndir	t 2
2.0 Prosiect	t 4
3.0 Cwmpas y gwasanaethau	t 5
4.0 Amodau'r penodiad	t 6
5.0 Profiad, gwybodaeth a sgiliau	t 7
6.0 Amserlen	t 8
7.0 Proses ymgeisio	t 9
8.0 Meini prawf asesu	tt 10-11

1.0 Cefndir

Ynglŷn ag Ymddiriedolaeth Gregynog

Cafodd Ymddiriedolaeth Gregynog ei hymgorffori ar 15 Tachwedd 2016 fel Cwmni Cyfyngedig Preifat Rhif 10479711 a rhoddwyd Statws Elusennol iddi gan y Comisiwn Elusennau ar 30 Tachwedd 2018 - Rhif Elusen gofrestredig 1180943.

Er bod Gwasg Gain (Fine Press) Gregynog wedi'i lleoli yng Ngregynog, mae'n Gwmni Cyfyngedig ar wahân ar hyn o bryd. Mae Ymddiriedolaeth Gregynog mewn trafodaethau i gymryd perchnogaeth lawn ohoni yn 2026. Mae Gŵyl Gerdd Gregynog yn gwmni cyfyngedig ar wahân ac nid yw'n rhan o'r Ymddiriedolaeth.

Ynglŷn â Gregynog

Ystâd 750-erw yw Gregynog, sy'n cynnwys y Plas rhestredig Gradd II*, strwythurau concrit cynnar a gerddi wedi'u tirweddu gan William Emes ac yn ddiweddarach y Fonesig Sylvia Crowe, ynghyd â Safle mawr o Ddiddordeb Gwyddonol Arbennig (SoDdGA), gwarchodfa natur ddynodedig ac arboretwm, cronfa ddŵr Gwgia, llyn, ffermdir ac adeiladau. Mae hen goetiroedd derw mes di-goes Gregynog yn rhan o Goedwig Genedlaethol Cymru.

Mae hanes Gregynog yn ymestyn yn ôl ganrifoedd ac efallai ei fod yn fwyaf adnabyddus am ei drigolion yn yr 20fed Ganrif, sef y chwiorydd Gwendoline a Margaret Davies. Chwaraeodd y ddwy fenyw ddyngarol nodedig hyn, a oedd yn entrepreneuriaid cymdeithasol ac yn gasglwyr celf enwog, ran hanfodol yn hanes diwylliannol, addysgol a chymdeithasol Cymru gan ymgartrefu yng Ngregynog.

Mae Ymddiriedolaeth Gregynog wedi ymrwymo i ofalu am y tŷ hanesyddol pwysig hwn a'r ystâd weithio y saif ynddo, gan adnewyddu adnewyddu a gwella'r cyfan. Hyd yma rydym wedi codi oddeutu £800,000 i gyfrannu at ein gwaith cadwraeth natur, adnewyddu ein Gardd Furiog a chreu mynediad i'n gerddi hanesyddol. Mae'r Ymddiriedolaeth wedi dechrau gweithio ar gyfnod datblygu ei hymgyrch *Codi'r To!* gwerth £5 miliwn a gefnogir gan y Gronfa Treftadaeth – a fydd yn gam mawr ymlaen wrth drawsnewid y Plasty a'r casgliadau celfyddyd gain a chymhwysol arbennig sydd ynddo.

Rydym yn croesawu ymwelwyr i gynnal a chreu cynadleddau a thrafodaethau ysgogol, datblygu gweithgareddau newydd a mwynhau amgylchedd adferol. Rydym yn gwerthfawrogi ein hanes ac yn ysbryd y weledigaeth a arddelid gan ei gyn-berchnogion, bydd Gregynog yn parhau i chwarae

rhan bwysig wrth galon Cymru a bywyd economaidd, cymdeithasol a diwylliannol ehangach ein gwlad ar gyfer cenedlaethau'r dyfodol. Bydd ein gofal am Gregynog a'n gwaith adnewyddu yn rhannu ei hud ac yn creu cartref mwyaf croesawgar Cymru ar gyfer natur, dysgu a'r celfyddydau.

2.0 Prosiect Codi'r To! .

Prosiect cyfalaf o gwerth ~£5 miliwn yw Codi'r To! Mae'r rhaglen gwaith cyfalaf yn canolbwyntio ar atgyweirio brys a hanfodol ar do Plas Gregynog, sy'n agosáu at ddiwedd ei oes ddefnyddiol. Bydd gwaith cysylltiedig yn atgyweirio neu'n disodli nwyddau dŵr glaw, ffasgiâu ac estyll talcen, ac yn ymgymryd â gwaith hanfodol ar y ddaear i wella draeniad. Mae'r prosiect hefyd yn cynnig y cyfle i addasu'r adeilad ar gyfer newid hinsawdd a gwella'r seilwaith hygyrchedd. Atgyweirio'r to yw'r cam cyntaf wrth Adfer y Plas, gan sicrhau'r lle hudolus hwn ar gyfer cenedlaethau'r dyfodol a datgloi ei botensial ehangach.

Ochr yn ochr â'r gwaith cyfalaf, mae'r prosiect yn gwahodd pobl i ymgysylltu â stori hynod y Chwirydd Davies yn eu hen gartref, trwy eu casgliadau, yn ogystal ag o fewn amgylchoedd naturiol rhagorol Gregynog. Bydd y prosiect ehangach yn ymgymryd â gwaith i ddatblygu'r sefydliad er mwyn cefnogi cynaliadwyedd hirdymor yr Ymddiriedolaeth; sefydlu ac adfywio rhaglen gerddoriaeth a gwyliau, a chynnal cyfres o ddigwyddiadau bywiog ym meysydd y celfyddydau a byd natur; creu a chryfhau partneriaethau â sefydliadau cydlynol a'r gymuned leol; datblygu strategaeth ddehongli ar gyfer yr ystâd; a datblygu a chyflwyno rhaglen wirfoddoli i gefnogi cynaliadwyedd yr Ymddiriedolaeth.

Mae cyllid wedi'i sicrhau gan Gronfa Dreftadaeth y Loteri Genedlaethol, Cronfa Dreftadaeth Bensaernïol, Ymddiriedolaeth y Pererin a'r Gymdeithas Tai Hanesyddol i gefnogi Cyfnod Datblygu'r prosiect gwerth £961,591 ac rydym bellach wrthi'n adeiladu ein tîm prosiect.

Pensaer ac Arweinydd Tîm Dylunio Buttress <https://buttress.net/>

Rheoli Prosiectau Lode Heritage <https://www.lodeheritage.com/>

Rydym wrthi'n hysbysebu am Ymgynghorydd Cynllun Gweithgareddau, Cynlluniwr Busnes, Ymgynghorydd Gwerthuso, Ymgynghorydd Codi Arian ac Ymgynghorydd Dehongli.

Mae'r Ymddiriedolaeth yn croesawu cynigion gan ymgynghorwyr sy'n dymuno cyflawni mwy nag un o'r briffiau a hysbysebir; fodd bynnag, rhaid cyflwyno ceisiadau ar gyfer pob tendr ar wahân, a dylai ymgeiswyr ddatgan yn glir pa briffiau eraill maent yn ymgeisio ar eu cyfer.

3.0 Cwmpas y gwasanaethau

Bydd yr Ymgynghorydd Cynllun Busnes yn adrodd i Grŵp Llywio Prosiect Ymddiriedolaeth Gregynog drwy'r Rheolwr Prosiect, gan weithio'n agos â thîm y prosiect, staff a gwirfoddolwyr Ymddiriedolaeth Gregynog yn y meysydd canlynol:

- Adolygu'r cynlluniau busnes presennol a blaengylluniau Ymddiriedolaeth Gregynog
- Cynnal trafodaethau â staff allweddol, ymddiriedolwyr a budd-ddeiliaid y sefydliadau sy'n bartneriaid i geisio deall y cyd-destunau gweithredu presennol
- Cysylltu'r rheolaidd ag ymgynghorwyr yn y tîm prosiect ehangach i integreiddio'r penderfyniadau, y nodau, y cynnyrch, y deilliannau a'u costau cysylltiedig o'r dogfennau'r prosiect ehangach (Cynllun Dehongli, Cynllun Gweithgareddau, Cynllun Cyfathrebu, Cynllun Codi Arian) pan fydd y wybodaeth ar gael
- Datgan cynllun busnes ar gyfer prosiect *Codi'r To!* yn unol â chanllawiau Cronfa Treftadaeth y Loteri Genedlaethol: [Cynllun busnes - canllaw arfer da | Cronfa Treftadaeth y Loteri Genedlaethol](#)
- Cynhyrchu'r rhagolygon Incwm a Gwariant 5-mllynedd yn unol â chanllawiau Cronfa Treftadaeth y Loteri Genedlaethol [Cynllun busnes - canllaw arfer da | Cronfa Treftadaeth y Loteri Genedlaethol](#)
- Cydlafurio'n gydweithredol i annog y sawl sy'n gwneud penderfyniadau i berchnogi'r ddogfen
- Sicrhau bod y cynllun sy'n deillio o hynny yn adlewyrchu uchelgeisiau, gallu a chynaliadwyedd yr Ymddiriedolaeth.
- Nodi unrhyw risgiau dros ben i gynaliadwyedd prosiect *Codi'r To!* a llunio argymhellion wedi'u costio i fynd i'r afael â'r rhain yn y Cyfnod Cyflwyno (trwy gynllun gweithredu atodedig neu ddogfen debyg)
- Cyfrannu at gyfarfodydd adolygu a chynnydd Cyfnod Datblygu Cronfa Treftadaeth y Loteri Genedlaethol yn ôl y gofyn

4.0 Amodau penodi eraill

4.1 Disgwylir i'r ymgynghorydd fynychu cyfarfodydd prosiect misol (hybrid ar-lein/ar y safle)

4.2 Wrth dderbyn y comisiwn hwn, mae'r ymgynghorydd yn cytuno i drwyddedu'r hawlfraint yr holl ddeunyddiau a gynhyrchir i gefnogi'r prosiect i Ymddiriedolaeth Gregynog a'i phartneriaid prosiect. Bydd gan Ymddiriedolaeth Gregynog yr hawl i ddefnyddio'r deunyddiau hynny fel y gwelant yn dda a heb gyfyngiad.

4.3 Rhaid i'r holl waith a gynhyrchir gefnogi gofynion yr Elusen a'r cyllidwr. Dylai'r holl waith gael ei rannu â'r partneriaid, yn ôl cyfarwyddyd yr Elusen.

4.4 Disgwylir i'r Ymgynghorydd gydymffurfio â Chanllawiau Cydnabyddiaeth Cronfa Treftadaeth y Loteri Genedlaethol [Acknowledgement Guidance](#) .

4.5 Contract llawrydd yw hwn; mae ymgynghorwyr yn parhau i fod yn gyfrifol am eu rhwymedigaethau treth ac yswiriant gwladol eu hunain.

4.6 Bydd y taliad mewn rhandaliadau, cytunir ar amserlen dalu wrth benodi

5.0 Profiad, gwybodaeth a sgiliau

Rydym yn chwilio am Ymgynghorydd Cynllun Busnes sydd yn meddu ar:

- Brofiad o ysgrifennu Cynlluniau Busnes i gefnogi ceisiadau Cyfnod Cyflwyno i Gronfa Treftadaeth y Loteri Genedlaethol
- Profiad o gynllunio busnes mewn lleoliadau sefydliadol cymharol
- Ymagwedd entrepreneuraidd ac uchelgeisiol ar gyfer y sefydliadau y maent yn eu cefnogi
- Dull cydweithredol o ymdrin â'r gwaith, sy'n cael ei dywys gan y cleient
- Sgiliau rhyngbersonol rhagorol ac yn gallu gweithio gyda phobl o amrywiaeth eang o gefndiroedd
- Profiad o weithio mewn cyd-destun Cymreig

6.0 Amserlen

Dychwelyd tendrau:	1200 prynhawn, 2 Ebrill 2026
Cyfweliadau (ar-lein):	Wythnos yn dechrau 13 Ebrill
Dechrau'r contract:	Ebrill 2026
Adolygiad cyfnod datblygu (rhagwelir)	Rhagfyr 2026
Cais Cyfnod Cyflwyno (rhagwelir)	Chwefror 2027
Cwblhau'r contract:	Mawrth 2027

Mae amserlenni'r prosiect yn ddangosol a gallent newid yn ystod Cyfnod Datblygu'r prosiect.

7.0 Y Broses Ymgeisio

7.1 Ar gyfer unrhyw ymholiad ac i ymateb i'r tendr cysylltwch

â: Dale Copley, Rheolwr Prosiect

hello@lodeheritage.com

07841870445

Mae angen y wybodaeth ganlynol fel rhan o'r cyflwyniad:

- Manylion llawn y cyflenwr gan gynnwys manylion yr yswiriant atebolrwydd cyhoeddus, atebolrwydd cyflogwr ac yswiriant indemniad proffesiynol.
- Methodoleg gryno (cyfanswm o ddim mwy na 2 ochr o A4) yn disgrifio dull yr Ymgynghorydd o ymdrin â'r comisiwn.
- Ffi ar gyfer y gwaith, gan gynnwys dadansoddiad cost o'r ffioedd a'r dyraniad amser ar gyfer pob aelod o'r tîm a'r dyddiau gwaith disgwylledig. Dylai'r ffi gynnwys treuliau a nodi'n glir a oes TAW yn daladwy.
- Amserlen o'r gyfraddau/cyfraddau fesul dydd a fyddai'n berthnasol pe bai gwaith ychwanegol yn cael ei gyfarwyddo y tu hwnt i gwmpas y briff hwn
- CVs aelodau staff allweddol a fydd yn gweithio ar y prosiect
- Enghreifftiau o 3 phrosiect tebyg a gyflawnwyd yn ystod y pum mlynedd diwethaf
- Dau ganolwr

7.2 Mae Ymddiriedolaeth Gregynog yn cadw'r hawl i gynnal cyfweiliadau a/neu gyfarfodydd egluro gyda rhai o'r ymgynghorwyr tendro, neu bob un ohonynt, os ystyrir bod angen gwneud hynny. Gellir cymedroli'r asesiad ar sail cyfarfodydd egluro, os oes angen.

7.3 Gellir codi ymholiadau er eglurhad hefyd ar y sail uchod.

8. Meini Prawf Asesu

8.1 Bydd y cyflwyniadau a dderbynnir yn cael eu hasesu ar sail ansawdd/pris fel y disgrifir isod:

Ansawdd (pwysoliad 70%): Pris (pwysoliad 30%)

Meini Prawf Ansawdd

Mae'r fethodoleg arfaethedig yn bodloni cwmpas y gwasanaethau ac yn dangos ymwybyddiaeth o'r cyd-destun gweithredol ac anghenion yr Ymddiriedolaeth Methodoleg a dull o ymdrin â'r comisiwn (uchafswm 2 ochr)	30%
Mae gan yr ymgynghorydd brofiad o ddatblygu a chyflwyno Cynlluniau Busnes ar gyfer prosiectau Cronfa Treftadaeth o gwmpas a maint tebyg.	15%
Mae gan aelodau arfaethedig y tîm brofiad o Gynllunio Busnes ar gyfer prosiectau y mae Cronfa Treftadaeth y Loteri Genedlaethol yn eu hariannu, ac o weithio gyda chleientiaid tebyg. CVs	15%
Gwerth am arian. Ffi a gynigir	10%

ANNIGONOL	Yn methu'n llwyr â bodloni'r safonau gofynnol, neu nid yw'n darparu cynnig.	0
GWAEL	Mae'r cynnig yn methu'n sylweddol â bodloni'r safonau gofynnol, mae'n cynnwys diffygion sylweddol a/neu mae'n anghyson â chynigion eraill.	1
LLAI NA BODDHAOL	Mae'r cynnig yn methu â bodloni'r safonau gofynnol mewn nifer o agweddau y gellir eu hadnabod ac yn arwain y gwerthuswr i wneud rhagdybiaethau.	2
BODDHAOL	Mae'r cynnig yn bodloni'r safonau gofynnol.	3
DA	Mae'r cynnig yn bodloni'r safonau gofynnol ym mhob agwedd berthnasol ac yn dangos dealltwriaeth dda o'r gofynion.	4
RHAGOROL	Mae'r cynnig yn bodloni'r safon ofynnol ym mhob agwedd berthnasol ac yn rhagori ar rai neu bob un o'r gofynion o bwys.	5

Cost

Bydd y gost isaf yn derbyn 30%. Yna bydd cost pob cyflwyniad yn derbyn cyfran o'r 30% ar sail pro rata. Felly, os yw'r gost isaf yn £8,000 a chost arall a gyflwynir yn £12,000, bydd y dyfynbris o £8,000 yn derbyn 30% a bydd y dyfynbris o £12,000, sef 1.5 gwaith y dyfynbris isaf, yn derbyn 20% ($12,000 / 8,000 = 1.5$, $30 / 1.5 = 20$)	30%
--	-----

8.2 Mae Ymddiriedolaeth Gregynog yn cadw'r hawl i beidio â derbyn y pris isaf nac unrhyw dendr arall a dderbynnir.

DIWEDD